

Prezidento de Kubo partoprenas en la pintkunveno pri la Nova Tutmonda Financa Pakto

Image not found or type unknown



Miguel Díaz-Canel kaj la ministro pri eksteraj aferoj de Francio, Catherine Colonna. (Foto: PL)

Parizo, jun 22 (RHK) La prezidento de Kubo, Miguel Díaz-Canel, partoprenas ĉi-tiam en la pintkunveno pri Nova Monda Financa Pakto, forumo inaĝurita en Parizo, Francio, de la gastiganta ŝtatestro, Emmanuel Macron.

En la Palaco Brongniart, loko de la du-taga aranĝo, la insula prezidento estis akceptita de la franca kanceliero, Catherine Colonna, kelkajn minutojn antaŭ la instalado de la pintkunveno kun ĉirkaŭ cent ŝtatestroj kaj registaraj gastoj.

Díaz-Canel ĉeestas kiel gvidanto de la Grupo 77 plus ĉinio, bloko formita de 134 el la 193 membroŝtatoj de Unuiĝintaj Nacioj, en kiu Kubo tenas la portempan prezidantecon ĉi-jare. La renkontiĝo celas alfronti el multflankismo la defion konstrui pli reaktivan, justan kaj subtenan financon sistemon, kiu ebligas alfronti malegalecojn, akompani la batalon kontraŭ klimata ĉanĝiĝo kaj materiigi la celojn de daŭripova disvolviĝo.

La pozicioj de Kubo pri la afero estas konataj, kaj trapasas la alvokon al konkreta subteno al la Sudlandoj rilate al merkataliro, transigo de teknologio kaj kapablo-konstruado. La insulo ankaŭ pledas por inkluziva internacia imposta kunlaboro kaj por la establado de plurflanka mekanismo por la reaktado de suverenaj ŝuldoj.

Por la plej granda el la Antiloj, la dezajno de nova monda financa arkitekturo ankaŭ implikas la forigon de blokadoj kaj unuflankaj trud-iniciatoj, kiel tiuj suferitaj de diversaj nacioj de la Sudo, influantaj ilian evoluon.

De pli ol 60 jaroj, Kubo alfrontis la ekonomian, komercan kaj financon blokadon de Usono, politikon kontraŭan al la Internacia Juro kaj al multflankismo.

Oni atendas, ke Díaz-Canel substrekos ĉi tiujn poziciojn dum la pintkunveno kaj ĉiaj kunvenoj en ĉi tiu ŝefurbo.

La forumo pri Nova Tutmonda Financa Interkonsento kulminos vendrede per familia foto, ferma ceremonio kaj gazetara konferenco.

Fonto: PL

<https://www.radiohc.cu/eo/noticias/nacionales/326294-prezidento-de-kubo-partoprenas-en-la-pintkunveno-pri-la-nova-tutmonda-financa-pakto>



Radio Habana Cuba